



Universitätsbibliothek Paderborn

**TRACTATVS|| DE CON-||FESSIONIBVS MA=||LEFICORVM ET
SAGA-||RVM SECVNDÒ RECOGNI||tus, & auctior redditus.||
An, & quanta fides ijs adhibenda sit?||**

Binsfeld, Peter

Avgvstae Trevirorvm

VD16 B 5530

Innocentivs VIII. Inquisitoribus Germaniæ. Innocentivs Episcopvs Seruus
seruorum Dei, Ad futuram rei memoriam.

urn:nbn:de:hbz:466:1-41113

mittimus & mandamus, ut omni oportuna
adhibita diligentia & industria, veram no-
titiam habere cures? an sit, qui fuerint hu-
iusmodi assertores, & quae scandalum propter
ea sint exorta. Quicquid autem in premissis
enuenieris, in scriptis authenticè redactum,
ad dilectum filium Franciscum de Toletō.
Notarium & Datarium nostrum domestici-
cum, sub tuo sigillo transmittas: ut ab eo do
omnire certiores facti, quid agi conueniat,
auctore Domino, statuere valeamus. Da-
tum Roma apud S. Petrum, sub annulo pisco-
toris, die 17. Iunij. M. CCCC. LXXIII.
Pontificatus nostri anno secundo.

INNOCENTIUS VIII.

Inquisitoribus Germaniae.

INNOCENTIUS EPISCOPVS

Seruu seruorum Dei, Ad futuram
rei memoriam.

SVmmis desiderantes affectibus, prout pa-
storialis sollicitudinis cura requirit, ut fi-
des Catholica nostris potissimum temporibus
ubiq; augeatur, & floreat, ac omnis hæreti-
capravitas de finibus fidelium procul pella-
tur, ea libenter declaramus, ac etiam de no-

no com-

uo concedimus, per quæ huiusmodi pium desiderium nostrum votuum sortiatur effectū, eundisq; propterea per nostræ operationis ministerium, quasi per prouidi operatoris sarculum erroribus extirpatis, eiusdem fidei zelus & obseruantia in ipsorum corda fidelium fortius imprimatur. Sane nuper ad nostrum non sine ingenti molestia peruenit auditum, quod in nonnullis partibus Alemaniae superioris, nec non in Moguntinen. Coloniæ. Treueren. Saltzburghen. & Bremen. prouincijs, ciuitatibus, terris, locis, & diaceſibus, complures utriusq; sexus personæ, propriae salutis immemores, & à fide Catholica deviantes, cum Dæmonibus incubis & succubis abuti, ac suis incantationibus, carminibus, & coniurationibus, alijsq; nephandis superstitionibus & sortilegij, excessibus, criminibus & delictis, mulierum partus, animalium fætus, terræ fruges, vinearum vvas & arborum fructus, nec non homines, mulieres, pecora, pecudes, & alia diuersorum generum animalia; vineas quoq; pomeria, prata, pascua, blada, frumenta, & alia terra leguminosa perire, suffocari & extinguiri facere, & procurare, ipsosq; homines, mulieres, iumenta, pecora, pecudes, & animalia diris tam
intrin-

intrinsecis quam extrinsecis doloribus &
 tormentis afficere, & excruciare, ac eosdem
 homines ne gignere, & mulieres ne concipe-
 re, virosq; ne uxoribus, & mulieres ne viris
 actus coniugales reddere valeant, impedire:
 fidē præterea ipsam, quā in sacri susceptione
 Baptismi suscepereunt, ore sacrilego abnega-
 re: Alioq; quamplurima nefanda, excessus
 & crimina, instigante humani generis ini-
 mico, committere & perpetrare non veren-
 tur, in animarum suarum periculum, diui-
 nae maiestatis offensam, ac perniciosum ex-
 plum ac scandalum plurimorum. Quodq; li-
 cet dilecti filij, Henricus Institoris, in prædi-
 ctis partibus Alemaniae superioris, in quibus
 etiam prouinciae, ciuitates, terra, diaeceses.
 & alia loca huiusmodi comprehensa fore cē-
 sentur: nec non Iacobus Sprenger, per certas
 partes lineæ Rheni, Ordinis Prædicatorum,
 & Theologia Professores, hereticæ prauita-
 tis Inquisitores per literas Apostolicas de-
 putati fuerunt, prout adhuc existunt, tamē
 nonnulli clerici & laici illarum partium,
 querentes plura sapere, quam operat, pro
 eo quod in literis deputationis huiusmodi
 prouinciae, ciuitates, diaeceses, terra, & alia
 loca prædicta, illarumq; personæ ac excessus
 huius-

huiusmodi nominatim & specificè expressa
 non fuerunt, illa sub eisdem partibus min-
 gie contineri, & propterea prefatis Inquisi-
 toribus in Prouincij, ciuitatibus, diaecesis,
 terris & locis prædictis huiusmodi Inquisi-
 tionis officium exequi non licere, & ad per-
 sonarum earundem super excessibus & cri-
 minibus antedictis, punitionem, incarcera-
 tionem, & correctionem admitti non debere,
 pertinaciter asserere non erubescunt. Prop-
 ter quod in Prouincij, ciuitatibus, diaecesi-
 bus, terris & locis prædictis excessus & cri-
 mina huiusmodi non sine animarum earun-
 dem evidenti iactura, & æterne salutis di-
 spendio remanent impunita. Nos igitur im-
 pedimenta qualibet, per que ipsorum Inqui-
 sitorum officij executio, quomodolibet retar-
 dari posset, de medio submouere, & ne labes
 hereticæ prauitatis, aliorumque excessuum
 huiusmodi in pernicië aliorum innocētium
 sua venena diffundat, opportunis remedij,
 prout nostro incumbit officio, prouidere vo-
 dentes, fidei zelo ad hoc maximè nos impelle-
 te, ne propterea contingat, Prouincias, ciui-
 tates, diaeceses, terras, & loca prædicta sub
 eisdem partibus Alemaniae superioris debito
 Inquisitionis officio carere, eisdem Inquisi-
 tori-

teribus in illis officiis Inquisitionis huiusmodi exequi licere, & ad personarum earumdem, super excessibus & criminibus praedictis correctionem, incarcerationem, & punishmentem admitti debere, perinde in omnibus & per omnia, ac si in litteris praedictis Provincie, ciuitates, dioceses, terre, & loca ac persona, & excessus huiusmodi nominatim, & specificè expressa forent, auctoritate Apostolica, tenore presentium statuimus.
 Propter posteriori cautela litteras & deputationem praedictas ad provincias, ciuitates, dioceses, terras, & loca, nec non personas, & crimina huiusmodi extenderentes, praefatis Inquisitoribus, quod ipsi & alter eorum accepto secum dilecto filio, Ioanne Gremper Clerico Constantien. diocesis magistro in artibus eorum moderante, seu quouis alio notario publico, per ipsos, & quemlibet eorum protèpore deputando in Provincijs, ciuitatibus, diocesibus, terris, & locis praedictis contra quascunq; personas cuiuscunq; conditionis & praeminentiae fuerint, huiusmodi Inquisitionis officium exequi, ipsasque personas in quas præmissis culpabiles reperierint, iuxta earum demerita corrigere, incarceratione, punire & mulctare. Nec non insingu-

lis.



lis Prouinciarum huiusmodi parochialibus
Ecclesiis, verbum Dei fidi populo, quotiens
expedierit, ac eis visum fuerit, proponere &
prædicare, omniaq; alia & singula in præ-
missis & circa ea necessaria & oportuna fa-
cere, & similiter exequi liberè & licetè va-
leant, plenam ac liberam, eadem auctorita-
te de nouo concedimus facultatem. Et nihi-
lominus venerabili fratri nostro Episcopo
Argentinensi, per Apostolica scripta man-
damus, quatenus ipse per se, vel per alium,
seu alios præmissa ubi, quando, & quotiens
expedire cognouerit, fuerit q; pro parte In-
quisitorum huiusmodi seu alterius eorum le-
gitimè requisitus, solemniter publicans, non
permittat eos per quoscum q; super hoc contra
prædictarum & præsentium litterarum te-
norem, quauis auctoritate molestari seu a-
lias quomodolibet impediri: molestatores &
impedientes, & contradictores quoilibet &
rebelles cuiuscunq; dignitatis, status, gradus,
præminentiae, nobilitatis, & excellentiae,
aut conditionis fuerint, & quocunq; exemp-
tionis priuilegio sint muniti, per excommu-
nicationis, suspensionis, & interdicti, ac a-
lias etiam formidabiores, (de quibus sibi
videbitur) sententias, censuras & paenas,
omni

omni appellatione postposita, compescendo,
& etiam legitimis super his per eum seruan-
dis processibus, sententias ipsas, (quoties opus
fuerit) aggrauare, & reaggrauare, auctori-
tate nostra procuret, inuocato ad hoc, si opus
fuerit, auxilio brachij secularis. Non obstan-
tibus praemissis ac Constitutionibus & ordi-
nationibus Apostolicis cōtraryis quibuscumq;
Aut si aliquibus communiter vel dissim ab
Apostolica sit sede indulatum, quod interdici,
suspendi, vel excommunicari non possint, per
litteras Apostolicas non facientes plenam &
expressam, ac de verbo ad verbum, de indul-
to huiusmodi mentionem, & qualibet alia
dicta sedis indulgentiae generali vel speciali,
cuiuscumq; tenoris existat, per quam presen-
tibus non expressam, vel totaliter non inser-
tam, effectus huiusmodi gratie impediri
valeat, quomodolibet vel differri, & de qua-
cumq; tototene habenda sit in nostris litte-
ris mentio specialis.

Nulli ergo omnino hominum liceat hanc
paginam nostrae declarationis, extensionis,
concessionis, & mandati infringere, vel ei au-
sus temerario contrarie. Si quis autem hoc
attentare presumperit, indignationem om-
nipotentis Dei, ac Beatorum Petri & Pauli

Ccc Aposto-

770

Apostolorum eius se nouerit incursum.

Datum Romæ apud S.Petrum, Anno in-

carnationis Dominicæ 1484. Non. Decembr.

Pontificatus nostri anno primo.

ALEXANDER VI.
DILECTO FILIO ANGELO
de Verona, Ordinis Prædicatorum, Sa-
cræ Theologiæ Professori, in Prouin-
cia Lombardiaæ hæreticæ prauita-
tis Inquisitori.

Dilecte fili, Salutem & Apostolicam be-
nictionem.

Cum acceperimus in Prouincia Lom-
bardiaæ diuersas utriusq; sexus personas, di-
uersis incantationibus, & diabolicis super-
stitionibus operam dare: suis q; veneficijs, &
vanis obseruationibus multa nefanda sce-
lera procurare, homines & iumenta, ac cam-
pos destruere, & diuersos errores inducere,
magnaq; inde scandala exoriri: decreuimus
pro pastoralis officij nobis ex alto commissi
ministerio, scelera huiusmodi compescere: ac
scandalis & erroribus premissis, quantum
cum Deo possumus, occurrere. Ea proptertam
tibi: quam etiam successoribus tuis, per Lom-
bar-